

E schee Geschicht

Om Ostermondaach habb ich mettem Schorsch unnem Karl unne om Moo gestonne unn mir hawwe e bisje geschwätzt. Weil doch Oofong Mai so en mittelalterliche Markt iss, uff den merr uns schunn freue duen.

Doo sacht de Schorsch: Unn zu der Zeit wolle se aach mettem Nache iwwer de Moo fahrn, mett sooner alt Nähmaschin druff, unn dess soll darstelle, wie de Adam Opel 1863 so e Maschin iwwer de Moo bringe wollt unn wie dann en Haufe Schneider den nit ons Ufer gelosse hawwe, weil se Ängst hatte, sie dete dorch die Maschin brotlos werrn.

Doo sacht de Karl: No ja, ess gib Leit, die saache, dess det alles nit so stimme, dess wär gar nit so gewese, unn woher merr dess dann wisse wollt.

De Schorsch hott nor mettem Kopp geschittelt: Unn wenn - stell derr vor. der hätt soi Maschin nooch Flerschem odder wo onnerst hie gebracht, hätt se abgeliffert, soi Geld oigesteckt unn wär widder hoom - moonste, doo det heit noch ooner was defoo erzähle? Naa, koon Mensch. Awwer die Geschicht mett de Schneider, die om Moo mett Stoo uff die Maschin geschmisse hawwe, dasses dem Opel weh getue hott, die werd heit noch verzehlt.

De Schorsch war so richdich in Fahrt: Also ich stell merr vor, de Adam Opel hott dess nit erwart, dass er so empfonge werd, weiler mett soiner Maschin dene Schneider doch nor helfe wollt, dass die nit immer so vill schaffe misse, unn die Kleider dete dann aach billicher werrn unn doo missde se nit alles verkaafe unn kennde sich aach e paar ferr sich selber mache unn ferr ihr Kinner, dass die nit so verlumpt erumlaafe, weil die Schuster unn die Schneider, die hawwe die schlechteste Kleider!

Ich habb dann gesacht: Woher wolle die Schneider awwer gewusst hawwe, wonn de Adam Opel iwwer de Moo kimmt? Die hawwe doch aach die Maschin nit gesehe, der hott die doch sicher oigepackt gehabt, der lässt die doch nit oofach uffem Nache stehe, uffem Wasser spritzts doch immer, außerdem kennts joo aach reechene?

Doo moont de Karl: Ich will derr sache, wie dess war. De Opel hott so e paar Schauspiller bestellt gehabt, hott vorher aach mettem Fährmann geschwätzt, unn dann hawwe die all minonner om Moo dess Sticksche ‚Opel unn die dumme Schneider‘ gespillt. Unn om nechsde Daach hawwe die Zeidungsbuwe in Meenz unn in Fronkfort gekrische: ‚Steine gegen Stahl – geht Opel pleite?‘ E besser Reklam konnsde derr doch gar nit nit vorstelle. Weil ab sofort hott jeder gewusst, dass de Opel in Risselsem Nähmaschine baut - unn jeder wollt jetz oo hawwe!

Doo sacht de Schorsch: Egal wie - dess mettem Opel unn de Schneider iss e schee Geschicht. Mir Mensche brauche Legende; mir brauche Geschichte, von dene merr nit genau wisse, wies wirklich gewese iss. Unn wenn ich merrs richdich iwverleech, wär unser Lewe zimlich arm, wenn merr nit vill doodefoo hätte: wo merr oft driwver noochdenke unn noch mehr driwver schwätze kennt.

Eiern Honnes